

五百四峯堂詩鈔

五百四峯堂詩鈔

卷之二十五

順德黎 簡簡民撰

乙卯年

獻歲甚寒意其詹必於二三日發船有憶  
行役得五絕句

動地顛風掀海鳴枯蓬急雨定還驚還家六日勞  
人夢夢作城樓管樹聲

沖沖波響鑿冰然風雨江干坐過年看取翺翻檣

上字小旗鴉陣孝廉船

今年閏二月初旬啓行

水氣雲陰沍作團壓帆風雨黑如磐蘇君往歲謁

裴至酒暖春亭花罨寒

癸丑正月五日

今年却住內江船可有離懷入往年人日隨人上

三峽二禺寒翠一堆煙

笑泣仙湖夜浹晨遠行人作送歸人江邊南指還

鄉路心泥眾香亭上春

十二月廿六其詹來廣州與話別至曉廿七日送予

船上

去冬譚康侯見寄鵬鶴篇擬僕非其倫甚

自慙還鄉無事作長句答之且廣其意

君所比予予不安我乃得過且過之號寒君不見  
一身蹭蹬林莽下無力飛搶蓬艾閒風栖覆背僅  
兩葉野食果腹無三餐此鳥羽毛昔斑斕人疑么  
鳳來丹山天今雨雪蠕蠕盡予所拮据衣褐殘去  
年鵲巢不占高樹頭多雨以風水浸田田無滯穗  
艸不稔空倉之雀過我而長歎鵲鵲覆巢小枝折  
鬼車灑血平蕪殷飄風斷蓬似墮羽隕星墜石驚  
彈丸自知微肉遠鼎俎嗚嗚掉頭以我爲鼠肝北

冥有魚名曰鯢化爲大鵬古所聞左翼覆木公右  
翼覆金母北徙冥海南至天池濱吾知此鳥不世  
出一出天地相掀翻中天之衢遇希有始肯各自  
相爲言立談斯須一食頃龜臺鼇柱三千年吾族  
可聞不可見見亦謂是陰陽昏當其末風者顛蹶  
銷精魂我今道之猶怯然乃君遠貽鵬鶴篇鵬則  
吾弗能鶴則與君同輶軒我或華亭老仙骨愛爾  
霜吭始發聲清圓何時待君羽翼滿與翔寥廓遊  
汗漫朱方赤壁并青田乘彼白雲歸矣乎仙仙

邨居早春見梅花

梅花枝上天寒昏索索未覺風雲春  
艸堂昨夜襍被溫曉禽軟語來喚人  
泠然一枝靜晨色明水凝爲冷光碧  
羅浮合有三分月一分許是吾家得邨  
醪不惜漱澹杯玉花僅能三五開却嫌  
花少不承月空放月明寒綠苔

鄉人送墨蘭

老至看花不遣愁餉花風俗亦風流  
時宜嶺外早梅信位置淮南叢桂幽  
守黑惟應愛其靜草元聊

以寫吾憂不相近狎慙相逼江總還家漸白頭

黃虛舟呂隱嵐約早春相遇

舊酒甕儲醅新春臘有梅碧山小雨過紅樹一帆  
來日冷萬松嶺波明九眼臺蹇誰此留汝勞我徑  
頻開

佳辰

日氣寒威後詩心物候新敝裘春得力吟夢病逾  
神黃鳥君邛友青山誰古人年芳在花艸芳艸送  
佳辰

松溪

溪松帶綠蘿其下有寒莎泚紉西家女驚鴻東逝  
波華年芳艸短春日碧雲多便復聞長笛翻成無  
奈何

春光

春光屬早寒雲暖亦開山綠滿應蘋渚青來已竹  
關有情欣減病無事幸成閑不復隨裙屐烟波獨  
往還

卽景有懷書寄虛舟



黯黯春寒欲雨時東風三日盡情吹落花流水光  
陰似白髮青山主客誰世少愚公多智叟吾師老  
子復櫻兒用長君却長於拙轉怪藍田晚不痴

笑山人送茶花

山人踏曉遣花農香送一肩明庶風遷地或爲烏  
屋好早花猶未燕泥紅滿園春事爾豪侈虛室藥  
煙吾老翁正欲題詩漫乘興稍能排調不能工

江堤桃花四絕

江上青山江綠波碧瑤新瑩鏡新磨鏡中一簇桃

花影照水燃山成絳河

朝陽西射夕陽東偃月規堤冠赤虹漠漠春陰欲  
成雨尙疑雲漏日光紅

舟旋山背忽春邨屋角黃茅抹白煙千段深紅一  
團綠轉增楊柳盡情妍

社前去燕未曾歸靜極春光想動機鷺鷥一兩明  
於雪特掠暗紅深處飛

小橋

古木平沙想伐檀橫陳猶是臥河干不須細雨苔

元滑似有微霜月甚寒野老秋邨行買酒清溪紅  
樹望扶欄花時捷戶謝來鞅外聽馬嘶知路難

流水

古時山影眼前春逝者長爲日日新殘月荒涼吟  
白曉良苗容裔學清淪惟知極飲河盈腹終入無  
窮海又塵最擬石根濞數畝自然魚鳥會親人

老樹

亦有寒巖暖氣回寒黏霜霰暖葺苔我今柴立爲  
槁木君豈熱心焚大槐秋葉空庭詩老得薜衣蘿

帶若人來故山五百年春夢月落參橫在此梅

柴門

隔水青山青有餘芙蓉灣口雨晴初溪流之折路  
斜出林竹翳然亭四虛吠月狗聲燈火細綴花麈  
眼豈籬疎望衡接宇連村岸好好先生何處居

短籬

墻下見桑垂架瓜及肩窺得野人家倪迂畫意蕭  
蕭竹陶令詩心淡淡花客暮到門聞蟋蟀奴晨伐  
木遏麝麝清秋水遠山平極小致依沙抱石斜

曲徑

初見荆扉闢土墻旋於竹塢出茅堂微吟自愛紆  
徐引新術人須再四忘石縫冰紋生舊蘚莎根露  
氣激寒蠶頗思送客前邨晚臨水登山有許長

細艸

昨夜西堂春水平池光天影碧泠泠行行汝爲苦  
吟瘦剪剪吾慙衰鬢青徑絮如烟浮蕩漾簷花隨  
雨綴丁星眼明仲蔚關門內菜色苔痕共一庭

幽花

點綴寒藤帶石蘿似矜如怯避陽阿星前月下還  
宜白日暮風吹不可多空谷補茅僂侍婢中洲啼  
竹倚湘娥鳥飛自動南山靜動靜之間奈汝何

香月山房梅花歌寄梁秀才韶後

順德城  
中西山

石壁琉璣瑩古鐵南方古來無此雪冷眩忽生銀  
海花香光凝作瑤天月香月山房吾所名他山之  
月固不勝以香烘月眼無障似夢漫天人有情西  
山月斜萬瓦脊非霧非煙有誰識我正雲帆張夜  
色鬱鬱芊芊望鄉國抱廓松雲宛轉寒浮天海氣

崢嶸白知君半嶺結明水見我孤舟比仙客春城  
詩入醇酒中香醲自醉清冷風通幽之夢莫須有  
閑情之賦將無同嗅之作食灌毛髮搏之不得元  
虛空洛城破屋玉川子詩品喧囂少真理便詔乘  
雲朝紫清不過有月耀穠李樵夫愛花入骨髓去  
年十月愛至此細驗南枝漸北枝濫得春頭到月  
尾今年正月  
梅乃開春寒勒花衆香亭如行且止歌緩聲  
旣開亦謝景遲暮別緒遠愁春宵冥想君艸色晚  
池碧花落山空石氣青

衆香亭餞梅歌

空山無人置古琴冷風七絃吹玉音更誰知此靜  
者妙而我竊見天之心天心道心并詩心歸日梅  
花初照林土墻闕處白漠漠酒杯天象青深深老  
樵於此不飲醉幙天席地一月睡大光明出正法  
眼極嚴厲通古和氣炯然亦自見吾真吾方喪我  
能語人鳥啼夢斷人閒世月地雲階天上春迢遙  
明月別千里送遠登山又臨水陰寒風雨生莓苔  
慘淡菁華寄桃李



與諸子同作禁體梅花詩

老傍梅開覺眼酸  
年芳物態勸憑欄  
簷高枝亂紆  
難畫天淨花稀暮  
益寒籬角忽臨溪  
曲彈詩心宜  
起月中看青山  
碧水誰邨落  
靜靜春陰黯黯殘

雨

悠悠隔月雨漠漠千里寒  
水釀湖上雪花隱湖中  
山八月徂中春不雨亦半年  
未違農工時已滋民  
食患亢陽繼淫潦人慮百  
不安惛惛沸市聲狡獪  
推舌瀾上官操危心而聽  
民自便弱之從先強靜

者爲躁根亦如此甘雨脉沐霏神淵民如桃李花  
在下自無言

溪船

江邨一夜雨春碧已滿溪臥聞搖櫓聲嚶入花  
來确确擊石火泊我蘆東碕蘆葉燈光青射我溪  
上扉汝勞亦時息似我鷗鷺機聞其說米價兩日  
漸向低風雨動溪酌濕花垂酒卮我但願爾飲此  
醉式庶幾我自不能飲爲君題小詩明夜拍銅斗  
春風歌竹枝

題寄何上舍壁書勒竹邨居

門前碧玉江牆角蒼玉山終年足煙雨以媚君憑  
欄君心喜文藻山水對壺餐詩品復精嚴妙得一  
字難昔者興夜至櫂下東南灣秋邨吠厖高哀激  
山石寒家家見江月月墮茅簷端拍枕江響濕積  
葉山聲淅虛堂燈火深客瘦詩珊珊而君發秀句  
幽泉鳴石蘭此事昨日耳半世駒隙閒君年自長  
我我已得衰顏頃者春雨晴我病君倘閑扁舟並  
行田一叩樵者關樵者花開牕窺見東海巒娟娟

大鳥峯花擁煙中鬟

青蘿嶂下作寄梁徵士拱之

樞

黃博士虛

舟

樹杪青石大石上細廟古廟門春江潮帆陰送風  
雨我獨不帆槳信舟溯迴渚山色朝抱烟氣暖若  
炊釜空碧高自寒綠意到南浦芳艸春水波離心  
渺何許昔時與梁大最少者黃五紅樹繞三匝炊  
煙白一縷圖成遠如夢樹老生益苦故人亦非故  
衰謝獨愁子青山汝閱人以爾爲逆旅朝暮萬客

來今古惟爾主

又作青螺嶂又云青羅帳則形勢家之言也

### 玉蝶梅

第幾番風屬此梅宜教桃李相君開紅水濁澤玲瓏水白露雕鏤沆瀣杯東閣二分歌市月西崑一斗玉溪才老奴處士清寒格也要凝脂入鏡臺

### 雨

窓燈夜雨聲燈冷碧逾明靜者夢魂逸鏗然桐竹清詩書無繼粟烟水有深畊旦旦披簑笠扁舟播種行

溪行柏樹下二首

春寒地自暖  
烏柏青朧葱  
此樹造化師  
不遣屬春工  
秋清江天上  
第一斜陽紅  
去年九月歸  
村色在芙蓉  
樹外  
惘惘葉衣邊  
蕭蕭風

今來亦不俗  
不色而以聲  
忽愛陸劍南  
側帽聽新鶯  
不知此何鳥  
亦自嚶其鳴  
暄妍午光下  
瑣碎涼天青  
枝滑簷舌軟  
妙得春風情

南華菌

積禾稈於陰屋夏月僧以米灌朝夕頻頻沃之出草

粳米漚蒸禾稈熏崇墉  
陰屋漚氤氲有根亦幻饒

青李

南華寺青李傳亦六祖遺種

無種還生摘紫雲可雜官厨

沾肉味

年來官吏取之甚頻

差同春茗作韡紋山中蒼石朝

陽氣香飯齋期食不貧

上撫軍大中丞朱石君先生

忠信行能起積疲豚魚生亦受良知

公鎮海樓咏志詩有忠信

直可豚魚求之句

心源摩詰空諸有學術荀卿請布基靈

嶽降神天下老卿雲復旦

聖之時東溟一酒揚塵雨邀路龍旂海填師

月夕桃李花下憶梅花作歌

春空有月與桃李那有梅花月如水巡簷籠袖猶  
自矜天色雲光不相似昨日登臺邈懷望萬物熙  
熙各生理微陽薄雨江上邨雲艸烟波水中沚於  
焉桃李亦一時極吾心目傷千里憶從前月無月  
夜已使寒光透牕昏甕然乃得易之復靜極如窺  
天所始雖無雨雪供獨悟不有梅花詎勝此此別  
經旬尙未遠含情有怨何能已爾能作花瞠乎後  
自分無言不如彼達人耳目取時適太生分別吾  
泥耳勿從桃李歌此詩且放天地猶一指



理畦

其雨淫淫非破塊春泥沐沐已成酥灌園無落先  
生事聚室來嗤智叟愚誰議螯蚶慚混沌我希山  
澤列仙儒難令物性忘畦吟野苒嘉蔬不並區

寄黃舟山同年

已酉同門八十人綦誰捷走軼人羣瞠乎昔已趨  
塵後塔爾今如示地文莫往莫來懷舊雨非煙非  
霧際卿雲漢庭博士需才極

帝邁堯年未

倦勤

夢謝盡臣誦詩得柳絲一句足成寄懷

柳絲翠泣千條露花里鶯啼一半春  
比者體中雖小惡悠然天際自真人  
何來入夢垂垂老竭復聞詩夏夏  
新君但畊田元將種我祇無酒負儒巾

作前詩之明夜重夢謝二來道故仿佛平

生懽憾迷離醒不復寐伏枕有述

夢斷他年艸滿池

令弟又文早卒

風流一往髮皆絲江楓

瑟瑟琵琶語泥絮沾沾楊柳枝  
可得勞生趨樂死

今爲澤雉侶塗龜情親排闥舉帷入昔昔斯人故  
在斯

僕盛年能作鐃鼓頗應節久不爲此偶從  
諸少年試撾之氣力旣億時宜又乖不  
可復會感而有詩

自覺淵淵金石聲聲塵如在耳根鳴少時爽氣容  
阿黑故態狂奴襲正平猶撫羯皮論朋上聲肯空憐  
漆桶脹彭亨廿年俄頃楊生肘手指懸槌作賦僉

泛舟江上望邑中山水得詩寄虛舟

海東霧雨上遞遞拖槍岡浮屠驚絕人正赤聖夕  
陽急景指不至但指昏鴉翔鴉背雨欲濛天色如  
水涼下知縣城中萬瓦青有光炊烟又如海五山  
浮晚蒼遙憐城根屋虛舟城根書屋暮上城頭望蓬蓬千  
里春畫本得未嘗天沙一兩抹意已入大荒詩心  
極遠冥迴薄於無方嗟我圓耳目自歸多在床一  
邱寄窮村五岳隱空房朝昏藥壚煙泉石歸雲香  
久臥始一出興欲收滄浪散漫掇風景獨吟愁未  
央

古風

花柳於春風似我於花柳天光觸處浹成美不在  
久萬物正性命熙熙各自厚息機得我便沖襟足  
自取遂知芳艸心報天以不苟一一成文章真和  
灌枯朽有如欲得飲卽已醉醇酒一醉啓百態亦  
復忘所受道樞中柴立天門闔雌守蠕蠕翹肖閒  
偶物嗒喪偶

物致不可極我情寧得任清雲暢光風幽花韻朝  
禽日華湛葉碧雨影滋苔陰理超自言詮神勝非

慮尋僻地庶澄跡寥天難住心溪雲染地冷池水  
寫去聲天深約躬謝煩牽著象歸冥吟佳辰不待我  
晚芬猶戀襟良期夕張乖來事歲功駿夢魂寄往  
古悲歌勞我琴

咏懷

不飲何知麴米春景風柔淑自醺人干誰日月堂  
堂急嬾我花鶯剪剪新前事蒼涼如作夢東流沟  
聳豈爲塵詩家料檢多生業夙慧傷心非道身

戲作飲酒詩五首

山光潑晴嵐重碧無處受受之窈然深九淵一杯  
酒一杯滿吾量玩之不離手我能以目醉德在酒  
人右澄天厲泓崢秋水養清瀏醉黛五岳橫君知  
幾崕嶺

飲酒輒和陶流習雅亦俗詩如清尊傍輦臭堆敗

肉

僕前有學陶  
四言飲酒詩

我愛文湖州與婦入深竹燒筍罨

香飯不負此儉腹詩固庚口言酒亦稱情足遂覺

千畝雲是我醉後墨君不知我飲看我衣上綠

老生故自狂天趣不酒醉此座自勝罵不罵吾有

罪任真豈口過雖然亦吾累人自無是非我本不  
夷惠淒然以春溫暖然以秋厲見之令人癡思之  
令人畏二者一反觀析一以爲二神漢灌天倪萬  
古飲和氣

今朝風側側春寒雨霏霏堂下青滿畦澗瀼簾光  
動故人素心子煮菜一尊共論詩取真境耳目非  
近弄邇室自此遠約之以爲縱君知古之人體虛  
致實用所學不我欺恥躬先自訟酒醺人以暖雨  
晚花益凍



詩家角門戶屈伸若蠻觸告退者阮亭方滋又山谷揚波必至泥末流受其濁未始非偶人而以土笑木谷拙實競巧阮鮮乃趨俗予惟勸君飲飲量取自足酒中有真氣粹然見眉目

曉邨

林日娟娟宿露溥垂垂花影碧雲濈秧田波軟青光淺松濔天深俯仰寒得與失齊吾不釣病於貧甚體須安兩年自減行春興老眼榮華已厭觀

寫懷戲柬萬華亭

閨月傷春春倍長遲遲吾老又何傷攀枝欲絮雲  
光熱楊柳成絲雨氣蒼黃酒取歡生怕醉舞琴能  
樂道宜狂馳詩一問新寧寧農事妨詩也不妨

雨

養疴吉祥宅深春風雨天岸花低野水邨樹切炊  
烟投足防膠屐呼兒問種田秧苗雲拂拂塍溜玉  
涓涓

曙日

曙日催殘夜勞心媾逸軀古今乘傳馬行止泛江

瓠花暖春愁破雲興懶病蘇東風解相媚苒苒拂  
吟鬚

夢城根書屋不見黃五

零魂斷夢夜無數  
賸雨殘風眠一醒  
風雨夢魂春  
擾擾水邨山郭濶  
冥冥水浮天色澶  
漫白山出城  
頭綽約青舊識  
城根老書屋西堂  
蛙鼓漲池萍

閏月初旬寄懷象岡道淵老人

今年公入七十七  
閏月春遲三月三  
誰與此翁脩  
耨事我將中宿借  
風帆弄石癖知山  
滿袖不冠狂

任髮遺簪寫取虬髯象岡長作

去聲

官猶似坐空巖

道翁自寫空巖宴坐  
圖小影題什至多

和劉薌谷去年秋羚羊峽見懷

暮山空翠寒塔勢寒於山對出黃峽口倒縣秋水  
閒帆陰雲澹沱楓色日爛殷知爾懷人極聽猿入  
故關

江雨

過江江不鳴亦無風葉聲雨元春靜穆物遂化醇  
生雲重地氣上田光天色清沙邊著亭子烟水看

深畊

寄邕州表兄雷上舍

濟邦

何處松杉是隱君  
亂峯如沸海汾沄  
輟輟聲合一

邨雨達礫

種言大石也村名

瀑春無底雲世德翁孫遙好

武

母舅素峯先生今表姪某皆以武舉於鄉

少年魑魅侮論文

昔年讀書山莊

山鬼現於壁鏡如小兒囁然而笑予前有句午移山鬼看銅鏡蓋謂此

尋君亦是還

山計那得兒童便不聞

雜詠

五絕句

緋桃合與日暄妍  
暖紫酣紅報答天  
爲對分根故

人竹雨牕朝暝學啼煙

晴少陰多亦復佳一枝淡碧照簷牙鶉鳩聲急天  
三月不那梨花是雨花

柳絮顛狂春使深光雲白雨共浮沈蘆花得與同  
時出倍損傷春千里心

青梅青李碧雲停葉覆蒼陰子豈青奇絕花時幽  
絕我花光如月夜冥冥

社鼓沈沈桑柘煙今年祈穀勝先年農家酒薄無  
肥肉費盡先年買蔣錢去年漲凡數買蔣有費十千不得石穀者

春夢

苦棟紛紛懶舉栢歸鴻去去不登臺江湖滿地平  
生濶風雨送人春夢來哀樂相撓與心鬪然疑交  
作促形開深幃伏枕曾誰見欲語蒼茫首屢迴

聽雨小樓雨中示別虛舟

五羊城樹半天秋落葉仙湖風雨道隔歲故人宵  
共被晚春初月暮低樓齊簷罅艸搖燈濕到枕山  
雲與夢浮一月深談百年意菰蒲聲好下扁舟

題畫寄別陳秀才

晟熾

賜谷

老木孤亭千里秋，猶聞樵響出山幽。  
於中澹入非非想，此外看應眇眇愁。  
幾得忘言木犀院，一時聽雨杏花樓。  
東門別浦春波急，忍爲銷魂漫不流。

舟聽雨小樓在順德東門內陳君館其中

### 夜讀平叔詩

有客南來歌有思，市門傾側實知希。  
能爲裂筍幾人和，去尙繞梁三日飛。  
別路騑駟渠齒長，春燈蚨蛱我心微。  
常州天下稱詩國，山谷詩孫命獨違。

則印云山谷詩孫



邨南

東風吹雨漲春江三月田溝咽碧淙菱塘柳陌霏  
霏靜燕子鳬翁的的雙寒浮山氣全融水陰際天  
根不動幢遠收畫境資吟境敞開南牕較北牕中  
農謠二八東風是早  
天三七東風水浸田

寫意

門外香溪繞萬家可勝流目送年華東風拍拍春  
江水一夜沈沈十里花趨入聲使深居如蚶贏善能  
辭客屬蒹葭時平不要潛夫論鄉里無名底相入聲

誇

一笑

一笑犁來共鼠肝十年車笠幾鷄壇  
風前枝葉丹心暮日下江河白水寒  
東郭爪泥行雪履南蠻人土切雲冠  
舊知相狗徐無鬼何取狺狺向佩蘭

落花

萬點花先一點飛觀空成色亦空歸  
三千沙界塵吹影廿四風輪物入機  
日者銷魂如送別夜來無夢得希微  
如如自作木居士天女從他香繞圍

夜來歎

夜來雷雨風拔木海聲塞空天壓屋嘯巢碧火老  
鴉暝入戶青燐野人哭飢眸無淚枯斷續青蒿黃  
泥坐濁水海碧山光上祥旭芄芄苗氣吹天綠軟  
如春波暖如玉今年閏月遲早熟嗚呼年長有願  
壽命促

昔年二首

昔年管處士晏鄴市下簾鈎養日衡霍碧談天江  
漢浮飢寒泥鴻爪今古幾龍頭君去盧舫鶴吾歸

海客鷗

儒門有乞食賣卜不猶過頭雪關山月衣塵瀚海  
波得還識路馬不鬪開門蝸壯別吾今老相思去  
日多

杜鵑六首

春雲似海樹如烟風雨欲晴聞杜鵑人間三月偏  
勞汝不放雛鶯珠撒絃

杜鵑飛去嶺南西勸得人歸爲我啼啼傍病夫增  
惡夢西天青壁斷無梯

昔遊幾欲徧西巒杜宇三年苦勸還日色著人死  
灰冷碧雞關減鬼門關

牂牁江水挂天寒千里杜鵑三百灘西日東流無  
語急此聲還爲有情酸

清明未闌穀雨前墓紙低飛如柳綿杜鵑花暖風  
淒骨爲有花閒啼杜鵑

一日人閒十二時一林春樹萬千枝崦嵫未晚東  
方作叫斷陰柯不肯移

哭黃秀才

玉繩

漢徵

并序

秀才天性孝友專漢隸之學初予見秀才隸書  
曰樵夫喜得代吾讓子出一頭地吾不復作隸  
書而君亦名翼高騫矣今春予主黃氏城根書  
屋喜其新補弟子員當隅坐聽予與虛舟論文  
藝秀才虛舟猶子上舍廷矩三子也先是秀才  
兩兄皆敦篤有文藝而早夭年亦皆廿左右故  
秀才恆有憂生之嗟予旣重秀才隸法嘗語之  
云君爲後死他日樵夫墓前石非君書而誰秀  
才笑領之三月初旬病作夜間鵝鳴惡之遷居

以被之予嘗以無生理爲秀才解說惜乎其憂  
慮發於天性非言喻所能解也遂以十九日卒  
卒時予歸家旬有餘日爲詩寄哭之

東門我適止鷄鵠月黑西山叫鬼車遂使賈生遷  
故宅重煩莊叟譬遽廬雲天折翼驚弦鴈泮水文  
鱗在藻魚何處名山遲伐石首邱吾失替人書

風雨夜坐至旦三首

風雨夜堂清幽人共影行遙知對溪屋深見隔花  
檠鼠作循牆走蛙如入甕鳴添衣識寒意林密復

湖平

寒氣動無旁吟思遠益荒冥送春了浥浥閒花  
香鬢髮從心短江湖去日長幽蛩逼人甚天性汝  
悲涼

殘月雲角墮一星林表青川原百蠻靜空水九淵  
渟且氣平生在天倪方寸冥春臺上皞皞吉日照  
亭亭

放鶴引

九萬天清氣蕭爽銀鈴喻風噉矢響攬身乍似鷹



臂翻絕地獨爲羊角上團團柳絮攪青冥白雲離

離霜翮明眼收海水一泓碧杯膠去聲烟光九點青

果然飽謝空倉雀皎然誤是遼東鶴去時拊躍遇

鴻蒙歸處蒼茫認城郭俯念雕籠顧主人主人仰

面空漠漠我聞放鴿大庾關一決搶已西樵山相傳

康熙閒人多登此山教鴿聚糧三月八千里繫帛斯須爾兩閒

或言此事誠可歎賈人利網極雲端世閒韃韃非

常物十度瀘陽九失還幽朔陰風積三峽義鶻惡

人非惡鴿瀘陽峽多隼非鴿絕之鴿多中傷云鴿乎擇主勿自勞畫

簷碧樹身已高

蠢蠕

蠢蠕說苗酋披猖相爾矛從天壓雲陣墮地割蚩  
尤烽燧橫祥霓牂牁役泛舟老生聞屢捷歡喜望  
田疇

觀潮

南人元狎水畏水忽今年迴首秋多雨重呼海變

田觀潮問龍戶拍岸是魚眠

每月必有一二日潮半落卽長蜚謂之魚

眠水百處禾標拔東風莫放顛

廣州田不畏漲而畏東風東風則漲不落

而水益增則壞稼去年坐此  
患也農謠四月八禾稞拔

### 江鄉懷人歌

江鄉積水如碧天江鄉蝦魚不值錢買魚畱客客  
不醉惜哉酒薄遭無年不然蓼岸月正圓芙蓉菡  
蓫繞我船風亭哀笛叫天遠天際碧山橫醉眠碧  
山如波相輦軒我枕不動安如山我身冷風信一  
葉我心明月碇九淵夜鴉西飛獨樹汎白鳧拍水  
下鴈田香風如泉潑酒醒十里吹淨花田烟二樵  
山人花作邨生已沐浴於芳妍三百六十平日分

丙八萬四千毛孔前偶吟詩卷寫盡卷冰雪雲波  
供染翰蒼涼得句塵垢外眇莽洒墨洪荒前竹洲  
山人霜壓顛江亭咏月花滿川東樵山人腹笥便  
漫膚多汗攜詩篇兩君東西十里耳我適半道中  
其間蘆灣蕭蕭蓮田田艸堂大江開竹門深宵燈  
火隔水碧亂以流螢空水寒此中可濯亦可沿沙  
上有鶴床有絃何時米賤八口飽不用裹飯吾粗  
安麋歌雅同紫溪翁空有可續白社賢鮑濱山人  
清行堅借我道書鈔自箋授徒過午始喫飯飯後

鼓腹高吟肩嗟予憊臥蠶欲蛹愛爾卓犖薤憐虵  
邇來行坐藥物屏又嘆索莫朋從慳人生失意十  
七八時地得幾天晴暄作歌無悰且寄似數子苦  
吟天使然苦吟和我各一處有似三峽三青猿

月夕飲藤花下作歌贈友

月轉屋角來花梢花影入酒相加交樵夫堅坐亂  
雲底與靜者飲深酒理月光映葉燈光青葉氣似  
水衣泠泠青光着酒酒愈碧冷碧入唇唇亦驚遂  
令酒腸冰雪明滿身習習香風生不爲耳熱拔劍

起頗厭飲者多豪情生平豪舉昔所有故是狂生  
不因酒月寒日暖煎迫餘物我交倦水火無稱心  
之語意易足沖氣以和聲出虛請爲詩人頌酒德  
絕稱藤花韻幽寂請爲酒人立詩品碧山人來月  
堪飲不見朱門歌舞昨留賓今朝饑作路旁人蝸  
廬抱膝我坐嘯鼠穴乘車公莫嗔

憂漲三十四韻

去年東南漲粵國有饑色桑榆失暮歲東作補亦  
得開春早濕種萬望同一亟嶺海數千里沃陵照

雲碧四月禾作槍謂可救朝夕蓮洋幾萬頃濁浪  
拍天赤半年足無毛忽復濫潮汐南人西向拜願  
殺陽侯力三日倘小洩萬室無大瘡况聞西南苗  
烏合爲鬼蜮嗟爾生性蠢動我

王怒赫徑煩大經畧七省下霹靂畊者雖不變戰  
者勞未息官程重

軍興師行首糧食遂有山縣民內撻自遏糴今茲  
愆淫雨安足累

大德

聖人好生心暘雨皆蘊藉殺伐庸有光疆理豈虛  
畫水乎恣方割浩浩無愛惜饑寒受漂轉死徙甚  
鋒鏑今暮日西落虞淵天不黑崑崙發雨覆祥柯  
斷漲脉浮浮積泡至漸知水勢極觀漲者見積泡累至則漲將盡  
云縱之入溟渤未有增涓滴急使潦歸海乃是民  
受益泥糜糞其田廣人呼濁泥曰泥糜晚作更滋植足知漲  
於人利導而惡積南人兩年來見水頗悽惻南方  
百年來無兵久蕃殖安得萍翳風大盪沃焦石八  
溟靜無烟天鏡割開闢猛刮龍蛇窟返住安樂國



老生所讀書南華性之適時至愛秋水達觀刪盜  
跡

與廉甫

水聲喧井廬雲氣塞空虛潮候天仍雨鷗波田有  
魚與君同土偶操技止黔驢饑餓書生事枵腸尙  
著書

今日

今日減潮痕鄰翁相爲言身殘免溝壑心苦屬兒  
孫瘴雨洗凶器湘風吹禮魂力田兼孝弟租吏不

敲門

夜雨

病葉湧荆扉  
清天映葛衣  
江風掀雨斷  
山月掠雲飛  
啼粉倚窓竹  
語蟲鄰婦機  
白蓮明側側  
香霧暗菲菲

中夜

江上浮沈半夜雷  
江亭拍枕雨南來  
無多吟卷吹從濕  
更番風牕闌又開  
鷗鳥自明烟水去  
釣船中破菼葭迴  
山川黯淡蒼涼月  
似夢如醺浩費猜

聞其詹以教諭用喜而有作并柬舟山虛

舟兩廣文

憶同蘇大別江浦靜者自言宜冷官客夢尋鷗東  
海濶臣心如水久冰寒兩舟博士風流甚八座中  
丞朱石君先生禮數寬喜爾疎狂未階立倘稱詞賦激  
雲端

和友人峽山見猴四首

藤老直於千尺繩老猴偃仰掛峻嶒居然玩世不  
恭甚不畏危檣拂斷藤

綏綏雲瀚白髯脩影下碧潭風日秋一聲三峽浩  
霜雪楓葉如花江水流

山中曾憶有人無失侶登場不敢呼暮四朝三得  
何物彩絲千尺作都盧

我故忘情亦有言憑君說法與青猿一千年後循  
環劫莫下人間問子孫

咏懷

天山淨暮空入水碧俱融松港雲濃雨蘆灣日澹  
風一竿得失外多病笑言中阮老狂何礙詩窮路

不窮

入邨泊溪曲卽目

溪榕覆歸舸深黑似停雲  
水際紫薇發花光殘日  
照晴陰物有態涼燠我何分  
潑面吹田綠遠風交  
水紋

聞虛舟值中丞府校對

中丞長者子博士高才生  
栢府旌旗晚菜畦烟雨  
清城嚴窺萬戶人遠得孤  
檠屈指論詩內誰當老  
更成

日前泊舟縣城下夜中吟望風烟浩然因

懷虛舟在五羊時正中伏作詩四首

山月隱城墻城陰野水光潮依邨路轉松極宿雲  
長葭菼秋將濶江湖夢太荒流連得衰老有愧問  
行藏

鬚鬚才四十姓字已專城僻縣將求懶微官好避  
名藤花佛火碧江雨竹房清夢我乘飄葉冷風挹  
袖行

樹老秋意多中年悲奈何淚隨雙管落隙閱幾人

過啼鴉芳菲艸

謂令姪秀才

空山窈窕蘿

張孺人先亡

先生

且行樂傷歎付詩歌

文章性命根身轉與名親此事爲斯世他時亦古人  
劫須風火度精入窈冥真懷望江天外高歌有鬼神

熱甚社亭得風雨與諸子戲爲諧體

歸燕搖搖持柳枝高花側側颭溪籬松上千尺湧  
雲雨坐中幾人影鬢髭江濤白剪天光落堤樹黑  
停帆影遲社壇異木茈頑石再拜此君南伯綦

外嶺

率以石爲社李南澗所云  
供奉雲根尺半強此也

暑雨後有述寄梁石癡時梁君方作畫五

山閒斐然之作興託畫理

斷霓元黃雲陸離青螺返照紫琉璃觀空種種晴  
陰狀正色蒼蒼造化師樓閣玲瓏金碧畫聲入乾坤  
清淑驚鷗知簾波簾玉肌冰雪莫擬成虧看奕碁  
立秋日風雨寄懷梁東麓鄉先輩

六十辭官未是歸廿年安置又巴西

殊恩忽起撻蓬骨舊跡聊同踏雪泥堂下荳萁空



馬齒邨深風雨欲鷄栖何當出渚扁舟夜秋滿兼  
葭月滿隄

立秋二日雨後歸舟

船頭山忽掠南飛沙嘴舟迴正北歸帆飽東風收  
舵疾邨銜西日涌烟霏鳥捎樹葉袂濺水犬迎人  
聲花動扉溪老詎知秋氣早徵君門外柳依依

微風

窈窕復融融溪光皺碧空落花催落景微雨泛微  
風信步停雲下秋心片葉中暮蟬吟致好軒翼漱

疎桐

日曛

林光減日曛花影澹  
芸芸植杖到秋水  
遙天高碧雲  
亂蟬吟不競  
歸鶴立無羣  
羸質時消息  
衣波怯縠紋

秋氣寄虛舟

夢醒江雨來  
雨急去如摧  
中判懷人夜  
聊揮動影  
柘傷離  
况遲暮  
堅坐日  
崔隤  
曉見風  
前葉  
青紅絢  
綠苔

暮吟

天光開水色夕氣合林霏雨薄虛迎鳥風纖實滿  
衣候蟲莎下露詩夢竹陰屏靜者知毛髮秋根入  
細微

霧夜

今夕秋邨夜綢繆似晚春霧濃差澀眼月淡欲藏  
人碧暈侵燈出幽香觀去聲樹真艸詩書細字未覺  
有微塵

邨口憶癸丑送別蘇博士

霞光黏鳥翼沙氣混漁煙落日此千里涼風猶去  
年人醺論詩酒山送買花船自後蘇司業花閒乞  
聲去酒錢

晚晴

江邨晚晴色絺袂襲涼芬潮送竹扉月雨留花畝  
雲泠泠孤鳥外落一鍾聞暮意盈幽艸蒼黃染  
夕曛

曉晴

昨夜熱冥冥聰琤竹塢聲江雲含雨濶林鳥翼風

鳴朝爽浮平楚秋光廓大清新涼滿衣帶自覺往  
來輕

寄懷平叔

叔也功名好及時固憐一物太遲遲抽心病且眠  
蠶似問路材猶老馬爲去歲遙聞趨上路先春曾  
未報南枝今年風雪期相見爲汝攄懷爲我悲

殘暑

殘暑猶將日滿湖湖光無際際黃蘆雄虹天色雲  
狼藉烏鳥墻頭尾畢逋七月寒蟬是涼友百花潭

水且狂夫清江昨驚時物月影蘋絲動雪鱸

詩成

人遠邨深秋早生涼天在水繞邨明銀雲領月娟  
娟弱玉露滋蟬楚楚清寒暑驚心非老大山川入  
句得泓曄詩成苦被人藏弄范蔚能書愧此名

述秋

雲平迭長陵宇淨縣碧海秋漫一夕風物遽諸有  
改天氣清入骨肅肅見真宰歸鴉幾寸翼千里挾  
爽塏戍削江上峰鑒天石磊磊雙明眼醒然孤青

鰥厲乃九夏默云謝一往庸可賄外物以內馳昔  
志坐今悔遙夜伏枕得殘夢省躬每昏心不酒醉  
獵學臨食餒津迷見人喜指至有涯殆修名我不  
立古人誰復在既此多露漸防彼陰雨迫風日損  
大河吁吸積千載獻疑詎能智信芳何所紿遲暮  
有天命幽性予蘭茝佳人山之阿顧景俯而采生  
微自愛惜情深倚精彩迴首白日晚藉路小艸瘳  
元蟬瘳涼風化蝶抱漣蕾所託不自貞百昌同一  
待

借住僧寺種竹名之曰竹平安館九月八

日月下作二首

兩番種秋竹竹瘦已覺冷海月漾素壁寫得幾片  
影翛然動詩意跬步約天井江天浩風露落此墻  
角靜亭亭搖夜涼送我秋思迴遙惜城上月忽墮  
海西嶺歸夢藥烟閣落葉候蟲警平生故人處織  
燈竹閒炯脉脉寓物心枯井曳長綆對茲搔短髮  
霜氣如灌頂

竹汝猶客土日夕幾竿紅伶俚傳此餘葉病綠不可



風涼颭早遼厲秋聲無弱叢與我幽吟聲繁付砌  
下蛩老母昨有書今汝亦客中問汝竹平安汝當  
無病容明年竹加長我齒加龍鍾願爾生意繁與  
竹爭青蔥今年過且過且與竹也同深根以寧極  
待竹抽寒空

答內人問

芙蓉花盡碧雲殘水濶天高漠漠寒昨夜城樓秋  
月好大江風露我衣單萬松名山浩蕩平吹海三浪  
曾吟立作灘江中三浪石恆種竹初成已霜降聊

同身世報平安

哭方秀才

天根

使我同斯世得君誠古人小時聞孝友一往不淄  
磷命短休讐藥心長未庇身郭田歸不得空剩故  
家貧

客懷詩二首

隔牆有官樹樹下鳴哀絲上懸九枝燈夜雀無安  
棲高梢見明月中外乃同輝涼風吹木葉影墮旅  
人衣俯首視吾影烟倏交陸離志人激暮節寒禽

思穩枝白雲不可攀  
碧艸亦云萎  
亭亭孤生竹與  
爾說心期

仙湖去年病  
歸下置我床  
臥窺城頭樹  
樹杪落日  
黃昏鴉下人  
烟萬井鬱蒼  
蒼海風送明  
月忽入床  
前光起行視  
斗柄面冷驚  
霏霜居城耳  
目約仰羨  
南鴈翔寄我  
萬里心廓然  
遊大荒今年  
坐忽忽忽  
忽坐若忘簷  
角一尺天削  
面數仞墻惟  
有孤生竹  
獨立語夜涼

贈蘇君

終歲幾開口一月兩得之自非素心人君亦不肯  
來幾年君來者以我病且羸幾年泥土中亦不沾  
雙扉今日攜佳人廣術步遲遲孟冬吹涼風官樹  
芸黃飛洶洶人馬汗暖如煙霧罪人海湧軟塵十  
丈紅琉璃中有雙白鷗浩蕩滄洲期萬里荒寒心  
欲訴無人知歸來還閉門日色黃竹枝感君倦行  
役又復感花時仙湖年時病臥賦梅花詩

早寒二首

昨夜廣衢葉瓦鳴風雨乾城頭想空濶海色立高

寒燈火將人影秋毫到竹竿問君何太瘦吾亦帶  
圍寬

今日起梳沐忽憐天氣佳碧雲照怨別幽意屬梅  
花犬吠竹門掩鵲飛邨月斜題詩祇自媚詩罷夢  
還家

寒夜

夕日上城墻畢逋烏尾黃湖光助新月鐘緊激南  
霜一物今衣褐孤鴻且稻梁漫漫坐無事慚此夜  
何長

雨中隔牆見梅高枝始花感我所種竹二

首

官梅初已花花上雨如屑誰知百蠻地此是半天  
雪花光映空遠相資轉清切袖手晚雲高冰眼明  
水纈暮寒耐仰面似有枝頭月稍驚棉裘薄濕重  
欲凍折遙知花下人酒氣烟霧熱寧憐立天風仙  
者瑣子骨

我此一竿竹離立未我長與彼同清標恐不同風  
霜風霜豈不同地勢有炎涼梅汝暖花白我竹寒

葉黃吾知艸木性各自信其芳世情重分別期期  
生較量遂謂春與秋偏此閒尺墻萬物自占時代  
謝成百昌竹汝致高大亦爲人所望

寒花

夕日下方墀寒花矜暮枝地偏春入早視止步行  
遲天意憐幽側吟情只怨思故園亭外月香影自  
迷離

感竹

新月下西垣墻腰竹一竿佳人難再得翠袖易生

寒近草碧已老鄰梅香故酸幽心一日內三撫此  
明珩

十一月十六日暮泊舟海幢月上飯訖書  
松雪堂額明日還邨莊作詩紀事贈覺  
周海光澄波三上人

炊烟起萬井合作行雲蒼不能變朱霞僅滂日氣  
黃日色在鴉翎集集下大橋俯視語其儔城廓何  
茫茫淒然又朝暮浩然欲風霜顧彼鬱暖塵漸上  
爲寒光天半已果腹人閒方聚糧中流我迴首知



還鳥歸翔吾知烟中人夢冷蟋蟀床誰憐江上客  
夜書松雪堂

禪天若止水萬象透底徹我影如高枝交墮碧海  
月忽驚千年來復得松上雪劃然橫江鶴皎皎照  
榕樾清颺骨灑然真色眼厲絕一聲人閒世沍合  
萬古熱大師澄波仲有掌扶我久肺疾堦圯瑩瑤石  
須眉刮精鐵光宣九層臺人壽六年別光宣臺于六年一再

耳至

邨寒梅已花花外客歸來晴雲照行袂暮天多別

懷迴憶江上寺煙霧生香臺城遙月亭亭江濶天  
皚皚風前一夜鍾世人醒者哀問師廣長舌可得  
此辯才言語文字門此復何有哉病樵亦枯僧委  
形如脆胔夙昔懽悵性返作兒未孩從師取筏喻  
相與爲無涯

十二月廿六日別竹平安館還家園見竹

外梅花有作

還家物已殘我竹自平安迴首春城暮無人月砌  
看此君矜道氣主者亦儒酸不有梅花在先生太

苦寒

甲寅十二月廿六日其詹來廣州別予北  
上兼送予還鄉度歲乙卯十二月是日  
又從杏壇邨來廣州客館一晤卽各自  
還邨莊其詹屬爲詩記之詩成却寄

此日青蘿嶂歸帆轉風色遙知兩人眼均到茲山  
碧去年白雲山烟雨入城黑開歲一點明送汝萬  
里客今來不移晷昔別得竟夕緩急那及料所欲  
非意逆事長日夜代時遞衰老積天地與眨眴巨

細一今昔明年有聚散當亦有欣憾寧知化者樞  
未來皆往跡迴念今日頃去若殊天隔然終未嘗  
往逝者無變易與君破茲理來往任消息但付相  
視笑無以垂踵惑波流戲萬象立足費道力今晨  
亭前花天清見寒白泠泠有好語上有雙翠翼君  
來飲酒處再飲來亦得

乙卯除夕恭題

流風號除夕何夕不乘除今夜八閩世小臣花下  
盧椒盤雙獻頌

莫胡壹

頌書

盛事生親覲爲詩邁古初

五百四峯堂詩鈔卷二十五終